

Euskal kulturaren hamarkada erabakigarria aztertuko dute 'Euskonews & Median'

Arlo askotan inflexio puntu izan zen 1960-1970 tarteaz mintzatuko dira adituak

Iniigo Olabarri / Bilbo

Eusko Ikaskuntzaren Euskonews & Media astekari elektronikoak antolatuta, **Euskal kultura hamarkada erabakigarri batean 1960-1970** jardunaldia izango da gaur Bilbon. Astekari elektronikoan gai hori jorratu duten adituek euren iritzia trukatu dituzte Bizkaiko Foru Artxibategian.

HIRU hilean behin Eusko Ikaskuntzak *Euskonews & Media* astekariaren bitartez *Euskonews & Media* jardunaldia antolatzen du. *Euskal kultura hamarkada erabakigarri batean 1960-1970* izango da hiruhileko honetan jorratuko duten gaiaren izenburua. Arratsaldean izango da ekitaldia Bizkaiko Foru Artxibategiko Areto Nagusian, 19:00etan hasita.

Felix Maraña idazleak koordinatu du jardunaldia, eta hizlariak ondokoak izango dira: Koldo Narbaiza, Bizkaiko Foru Aldundiko Kultura Saileko Zuzendari Nagusia, Jose Julian Bakedano Bilboko Arte Ederretako Museoko Jarduera Saileko



JAGOBA MANTEROLA

Patri Urkizu izango da hizlarietako bat.

zuzendariordea, Andolin Eguskitza Euskal Idazleen Elkarteak lehendakaria, Xabier Saenz de Gorbea Euskal Herriko Unibertsitateko irakaslea, Patri Urkizu Eusko Ikaskuntzaren Hizkuntza eta Literatura saileko lehendakaria, eta Josemari Velez de Mendizabal idazlea.

Gaur arratsaldeko zazpitan hasiko den mahainguruan, gaia eta testuingurua kokatuko dute lehendabizi. Hizlari bakoitzak bost minu-

tu inguruko berbaldia egingo du eta, ondoren, eztabaida hasiko da. Azken atal hori izaten da interesgarriena Josemari Velez de Mendizabal idazleak dioenez.

Interes berezia pizten duen gaia

Ekarpen ugari izan dira gai horren inguruan *Euskonews & Media* astekarian jasotakoak, Josemari Velez de Mendizabalen esanetan. «Ohikoena

izaten da aldizkari bakoitzean hamar bat ekarpen izatea, baina oraingoan baditugu hogeitaz. Horregatik astekari elektroniko bitan egin behar izan ditugu».

Hamarkada horrek interes berezia pizten du Eusko Ikaskuntzako kidearen aburuz, «Inflexio puntu izan zen arlo askotan. Arte plastikoan Txillida eta Oteiza bezalako artistak sortu ziren, zinea bera ere garatzen hasi zen, literatura lehenengo puntatxoak ageri ziren, ohiko euskarazko argitalpenen egoera kaskarretik argia ikusten hasi ginen, Ez dok hamairu sortu zen kantagintzan... horrek guztiak bihurtu zuen inflexio puntu hamarkada».

Diktadura baten pean egin ziren urrats garrantzitsuak dira 60ko hamarkadan sorburua izan zuten ekimenak. Horrek guztiak mitifikazio maila bat ere sortu du Josemari Velez de Mendizabalek adierazitakoaren arabera. Jardunaldi hori ez da, hala ere, desmitifikatzeko pentsatuta antolatu. «Mahaian egongo direnek arteari buruz jardungo dute eta, testuinguruak bai, baina artea ezin da desmitifikatu».

Eusko Ikaskuntzak
arrantzari buruzko
antropologia
jardunaldiak
antolatuko ditu

Eneko Bidegain / Baiona

EUSKO IKASKUNTZAK arrantza eta itsasoari buruzko antropologia jardunaldiak antolatuko ditu maiatzaren 11 eta 12an, Donibane-Lohizunen. Juan Antonio Rubio Ardanaz antropologia saileko lehendakariak «aukera oso interesgarritzat» jo zuen bi gogoeta egun horien antolatzea. Euskal Herriko itsas kulturaren ezagutzeko aukera on gisa dakusa ekimena.

Hirugarren aldikotz antolatzen ditu Eusko Ikaskuntzak gisa horretako jardunaldiak. Duela hiru urte Donostian iragan zen eta Bilbon duela urte bat eta erdi.

Itsasoaren inguruko literatura, historia, ekonomia eta arlo soziala aztertuko dituzte bi egunez, Manex Pagolak jakinarazi zuenez. «Etnologia aipatzen denean, jakitate eskasez, uste dugu iraganeko gauza dela. Ez, oraingo gizartearen ikerketa da» esplikatu zuen.


Hitzaldiek eztabaidei utziko diete lekua. Ekitaldia itsasoko kantu emanaldi batekin bururatuko da.



BAI,
HARPIDETZA
SAILA?

JAR ZAITEZ
GUREKIN
HARREMANETAN

HARPIDETZA BERRIAK
IRADOKIZUNAK...
PROMOZIOAK...
ZALANTZAK...
GALDERAK...



NIKO LIZEAGAK
EGUNERO JASOTZEN DU
EGUNKARIA BERE ETXEAN

GURE BIZITZA
EUSKARAZ
EGIN NAHI
BADUGU, ZER HOBE
GOIZEAN GOIZ
EGUNKARIA
IRAKURRIZ
HASTEA BAINO

IZEN - ABIZENAK.....
HELBIDEA..... TELEFONOA.....
P.K..... HERRIA..... N.A.N.....
KONTU KORRONTEA: ENTITATEA..... BULEGOA.....
K.D..... KONTU ZENBAKIA.....

IZAN ZAITEZ
HARPIDEDUN !!